

重刊說文解字詁林

學士呂陳八

分校官編修李孫鳳

書寫儒士王韓鼎

照監版生員林氏

臣新嘉

永樂大典卷之七千三百八十六

大陽

喪

喪禮四十六

國朝國朝禮書

成穆貴妃喪禮

服制

東宮親王于

妃皆稱庶母

吳王于

妃稱慈母

一十月初二日翰林宋學士傳奉

聖旨凡庶母服制東宮親王服墓年公侯服九月百官服五月庶民服三月欽

此今擬

東宮親王爲庶母服齊衰墓用細麻布冠九級做九梁細麻布衣裳葬畢服

常服以孝服藏于靈位之所遇節序服以祭奠周年

除靈日焚之。

吳王爲慈母齋衰三年。麻布冠。麻布衣裳。麻腰絰。葬畢。素服。過節序。服孝

服祭莫。滿日焚之。

公主齋衰麻布大衫。楷子。長襪。麻布蓋頭。麻布鞋。既葬。常服。過節序。仍服

祭莫。滿日焚之。

衆妃舉來臨祭。俱服白布團領衫。

靖江王服小功。白布冠。白布衣裳帶。既葬。服常服。以孝服置于靈所。過節

序祭莫。服之。滿日焚之。

飲儀

一飯含以珠及玉類納口中

一入斂

裹用常服。外用禮服。

面衣一。以皂絹紅裏。方一尺二寸。蓋其面。

握手二。以皂絹紅裏。長一尺二寸。裹兩手。

先耳二。以白綿如素絲塞耳中。

一銘旌

用紅紵絲長九尺。以粉筆書題曰。
故成穆貴妃孫氏之柩。上級木刻彩畫荷葉蓋。下級木刻彩畫蓮花座。懸

以鳳頭竿。承以紅木座。置于靈柩之右。

一 麾帛

用生絹結麾帛置靈座上。

一 欽畢。停柩于室中。設白絹帷幔于棺外。覆棺以紫羅帷。設床帳于

棺之左。面盆衣架如平時。

一 掩棺畢。設靈座于柩前。又設供卓陳設祭物。

吳王公主以下服孝服。序立哭。兩拜奠酒。入兩拜。

一 每日早晚進膳如平時。

贈謚

一九月 日。禮部牛尚書等官題

奏。古者宮妃有德。是以輔內治。既薨之後。必有贈謚之典。恭惟

貴妃孫氏。德冠嬪御。宜加贈謚。以表推崇。謹按謚法。夙夜徽戒曰成。德化

肅曰穆。請謚曰成穆。奉

聖旨是。要駕來焚黃。欽此。

一冊文

雖洪武七年歲次甲寅十月癸巳朔

皇帝制曰朕聞古者宮妃其德有以輔內治厚彝倫者既薨之後必有定謚之禮焉惟爾貴妃孫氏以篤慎之資純淑之行勤於事上慈於撫下當國家開創之初備儆戒相成之道德實冠於嬪御功助於中闈方期享於貴榮竟莫躋於壽考宜加贈謚以表推崇可謚曰成穆爾具有知服茲寵命

一笑黃用黃絹裝綴如冊樣兩葉爲冊文

其日陳設祭儀一詣二羊畢以祝及冊文案置于靈前吳王以下立于靈柩前贊禮贊鞠躬兩拜興平身贊跪王跪執事者以爵進于

王之右贊受爵獻爵

王受爵獻爵贊請祝贊祝者取祝跪贊宣冊宣冊

女官取冊立宣訖贊俯伏興平身復位王俯伏興平身復位贊鞠躬兩拜禮畢焚祝及冊

一祝文

維洪武七年歲次甲寅十月癸巳

吳王 敢昭告于

慈母成穆貴妃之靈曰欽奉

上命贈謚

慈母馬成穆貴妃謹用焚黃伏惟鑒知尚享

外命婦奉慰儀

一其日外命婦具山松特髻大衫詣

坤寧宮丹墀序立四拜班首升

殿跪致詞云

貴妃薨逝敬惟

皇后殿下不勝感悼班首復位四拜禮畢退改服慶雲冠白團衫白布蓋頭詣

貴妃靈位前兩拜班首詣前跪三奠酒執事者跪讀祭文訖班首興復位

兩拜禮畢

一祭文

維洪武七年歲次甲寅九月癸亥朔三十日壬辰親
國夫人謝氏等謹致奠于

成穆貴妃之靈惟

靈天賦淑德行表婦儀安享貴榮豈期薨逝謝氏等追仰音容不勝永悼

謹以牲醴致奠伏惟尚享

修設好事

一洪武七年十月初三日

奏准為成穆貴妃修設好事於初四日早發疏啓建省官於城隍廟發咨請

守護壇場

一城隍咨

中書省欽奉

聖旨洪武七年九月二十八日貴妃孫氏以疾亡故於十月初四日為始命僧

於朝陽門外殯所建壇修設好事看誦大藏經文十

四日修設水陸大齋至十六日禮請

釋迦牟尼佛證明功德欽此除欽遵外合行移咨請

照驗煩為即日率領神官將吏欽依

聖旨事意監護壇場須至咨者

一發疏儀注

其日清晨內使監陳設

御位香案於

奉天殿丹陛上正中北向尚寶司設

寶案於香案之東南儀駕司設常朝儀仗并設黃傘遮護跪函蒙金表連

侍儀司設百官陪拜位於

丹陛上設進跪官位於香案之東捧跪官位於香案之西通贊二人位於

丹陛下東西相向執事者設龍亭香亭鼓樂儀從於

午門外侍儀舍人設詔興於

丹陛下引禮引百官朝服入拜位

上位於武樓下具皮弁服侍儀奏外辦導駕官導引至

御位禮部官捧

御跪用實訖用奉天之寶內贊奏請鞠躬拜興拜興

上位兩拜平身通贊唱鞠躬拜興拜興平身百官兩拜平身內贊奏請前贊跪

贊楷主通贊唱百官皆跪進跪官取玉跪進

上位受函授捧跪官捧跪跪置於案內贊贊出主俯伏興平身後位

上位出主俯伏興平身後位通贊唱俯伏興平身百官俯伏興平身內贊贊鞠躬

躬拜興拜興平身

上位兩拜平身通贊唱鞠躬拜興拜興平身百官兩拜平身內贊贊禮畢百官

東西對立。捧疏官捧疏函由中。陛下置詔與內舍人捧詔與由中道出。

午門等駕車

上位還武樓下捧疏官至

午門以疏函置於龍亭儀從鼓樂導引至齋所。

一疏文

大明國洪武七年歲次甲寅十月癸巳朔初四日丙申。

皇帝

謹齋沐稽首載拜奉疏

釋迦牟尼佛伏以

天地不言以四時而示信

聖神代理達萬化以通情惟

如來者駕白象而神宮降誕遊四戶而悟入雪山六年善行感覆載以鑒勤五

演妙音證金僊之上果示現三十二相大會四十九

秋談空有之無窮翊王綱而易治方便度人以開愚

昧道通造化庶廣益於古今光燭幽冥致究愆而解

脫大千普照六道俱起德無不備非天者歟茲為成

穆賁妃降氏享年三十二歲。於今年九月二十八日。以疾傾逝。欲伸追薦。特命闕帑。就於殯所結壇。以十月初四日。擗猪發符。着誦大藏經文。十四日。修設水陸大齋。三晝夜。十六日。行禮獻供。施斛燃燈。至日。伏願如來不違本誓。降臨法筵。大開方便之門。廣示超升之路。謹奉疏。伏惟佛慈鑒知。謹疏。

一供佛儀注 前期儀鸞司設

御位于壇之中。盥洗位于壇之東南。帛案于盥洗位之北。捧帛官于案之東。西向。典儀二人于百官拜位之北。東西相向。通贊二人位于典儀之南。東西相向。掌祭官位于壇內之東。西向。進帛官讀祝官位于壇內之西。東向。樂工設舞位于壇前。百官班分東西。梁上舞位在中間。光祿司官備茶供以候。具日中時。眾僧于

寶座前。望空啓請

如來依科法事訖。執事者各司其事。陪位官入就位。導引官於御幕前跪奏。請行禮。

上位具皮弁服升壇與儀唱迎佛和聲即唱迎佛樂奏善世之曲贊禮贊鞠躬

上位兩拜。平身。通贊唱鞠躬拜興拜興平身。

諸位官皆兩拜。樂止。典儀唱莫帛

獻茶禮和聲即唱莫帛獻茶禮奏昭信之曲導引官

奏請行莫帛獻茶禮導引官導

上位至盥洗位。盥洗訖。請詣

佛前贊禮贊跪。稽主。

上位跪。稽主。贊進帛。執事者以帛進贊受帛。莫帛。

上位受帛。以校執事者。莫丁。

贊出主俯伏興平身復位。

上位出主俯伏興。平身復位。贊鞠躬拜興拜興平身。

上位鞠躬兩拜。平身。樂止。典儀唱初獻供和聲即唱初獻樂奏延慈之曲導引

官奏請行初獻供禮導引

上位詣

佛前贊禮贊跪。稽主。

上位跪。稽主。贊獻供。執事者以供進。

上位受供。校執事者。莫丁。前贊出主。

上位出主贊讀祝讀祝官跪讀祝訖俯伏興平身復位

上位俯伏興平身復位贊鞠躬拜興拜興平身

上位兩拜平身興儀唱亞獻供和聲即唱亞獻樂奏法善之曲掌各捧供詣佛前置于案訖樂止贊鞠躬拜興拜興平身

上位兩拜平身興儀唱三獻供和聲即唱三獻樂奏禪悅之曲掌各捧供詣佛前置于案訖樂止贊鞠躬拜興拜興平身

上位兩拜平身興儀唱衆僧參禮

如來導引官奏請還

御幕導引

上位連御幕衆僧旋繞誦咒恭禮

真如一引

妃靈詣浴室二引衆魂詣沐浴所畢一引

妃靈詣壇所奉次一引衆魂詣壇所法師說法戒師說戒二迎靈運祠堂

一引衆魂詣斛所判斛法事將畢導引官奏請升壇

導引

上位至壇所陪拜官復就位興儀唱徹豆和聲即和唱徹豆樂奏適應之曲樂

上贊禮贊鞠躬拜興拜興平身。

上位兩拜平身通贊唱鞠躬拜興拜興平身。陪位官兩拜。平身。興儀唱送佛和

聲即唱送佛樂奏妙濟之曲。樂止贊禮唱鞠躬拜興拜興平身。

上位兩拜平身通贊唱鞠躬拜興拜興平身。陪位官兩拜。平身。興儀讀祝官捧

祝進帛官捧帛各詣燎所和聲即唱望燎樂奏善成之曲。贊禮奏望燎請詣望燎位。燎畢。樂止贊禮奏禮畢導引官導。

上位還幕次。

一供佛樂章

迎佛奏善世之曲。

體虛凝兮真常妙應化兮無方。啓崇筵兮日吉辰良。體孔修兮躬躬齋莊。目眷眷兮遙望感必通兮在誠。紫磨軀兮白玉毫。先駕雲車兮旌幡侍傍。瞻闕浮兮斯格仰聖容兮洋洋。

奠帛獻茶奏昭信之曲。

維此妙香。五方普熏。莊嚴斯實。有玄有顯。物微禮具。敬奉慈尊。庶其鑒止。展我殷勤。

初獻供奉延慈之曲。

尼連光蹟。純陀後供。進茲肴饌。聞奏鼓鐘。四器斯潔。恭稷惟豐。無遠弗届。至誠乃通。

亞獻供奉法善之曲。

仁風廣被。春日載熙。天人共仰。顯幽靡遺。豈惟華三。率及島夷。因齋以頌。於禮攸宜。

終獻供奉禪悅之曲。

禮成在敬。三獻靡加。釋尊熙喜。樂奏無辭。明徵瑞應。昭著光華。冥幽溥濟。蒙被禎嘉。

徹豆奏通應之曲。

饌馨既歆。遵豆尚列。始終匪懈。肅雍以徹。禮文有序。樂舞有節。洋洋在上。無意不達。

送佛奏妙濟之曲。

赫其臨芳。優游俄復。去兮難留。八部從兮。如毛。儼先。

後方靈辨。疑勝芳夷猶。冀慈雲芳避周。
望燎奏善成之曲。

瞻燎于西。慧燄騰空。饌帛遙帛。乾竺之宮。仰慈于亥。
祀禮有終。企而眷之。大地真風。

一祝文

維洪武七年歲次甲寅十月癸巳朔十六日戊申。

大明皇帝

敢昭告于

西方教主大覺金僊釋迦牟尼佛曰。予有貴妃孫氏侍予十有五年。生女四人。
見存者三所亡者一。不期今年九月二十一日夜中
疾至二十八日命終。於是命官選陰宅於楮岡營繕
陵所以安神魂于恐其生前或有不善之過。即於十
月初四日遣拜跪文以阿闍黎專符使以西馳詣靈
山而禮請令者

如未降臨法筵特陳情旨願

佛慈悲若有寬愍解紛除利。及諸鬼魂等一切不滯幽冥庶不失
如來之本誓有求皆應無願不從。大開方便之門哀憐攝受尚享。

十一月初四日。僧衆六百一十七名。啓建初五日至初十日。每日留

僧一百名誦經。十一日至十六日。每日僧七百五十

名誦經法事。十六日。

上位親詣齋壇行禮。戈官三品以上。武官指揮僉事以上。陪拜。

筭儀

一

方相一。
紙幡十對。
紙幢十對。
紙花四卓。

紙駝二疋。每疋。紙內使二人控。
紙馬二疋。每疋。紙內使二人控。

紙金銀紋四案。
紙錢四案。

一儀仗

紅杖二。
清道旗二。
絳引幡二。
戟麾幡二。

戈麾二。
儀鎧麾二。
鐵斧二。
儀刀二。

班劍二。
梧仗二。
紅傘一。
紅銷金傘一。

卧瓜二。
立瓜二。
警節四。
鎗仗二。

骨朵二。
紅方扇四。
紅團扇二。
青團扇二。

紅紗燈籠二。
間鍍金銀水盆一。
間鍍金銀水罐一。

鍍金銀唾壺一

酒注

托子

按酒米米煤共一十二

茶鍾

燭臺

碗

酒盞

臺盞

香爐

香合

鑑粧

匙筋連瓶

香匙筋連瓶

已上錫造

剪子

鏡

大筋

熨斗

鍋連蓋

火爐連架

竈

已上銅造

筴子

筍

篚

芭

筍

已上竹造

綿被

夾被

卧單

蓆

褥子

枕

器物

五穀倉

以木爲小屋。間長一尺二寸。高一尺。入深九寸。分爲五

間。以安五穀。

簍六。二柄。畫雲氣。二柄。畫龍。二柄。畫獸。行長在棺左右。葬畢置殯內。